



Fac vero, quod numquam tibi tamen extra negotium, in quo iam constitutus sum, concedam, posse Christum, quamuis non ipse Deus sit, religionis verae auctorem dici: illud tamen nunc iterum abs te cupio, siue postulo potius, fidem longe firmiorem nostram immo multo certiore fieri, veram Christianorum religionem esse; si auctor, Christus, verus Deus existit, quam si, vt verbis vtar Socinianorum, ille tantum homo diuinus salutetur. Similiter effici potest: ex vera Christi diuinitate vera ipsius miracula diuina sustentari: Similiter praecepta caelestia: Similiter promissa quoque. Omnia haec enim et talia plura per veram Christi diuinitatem meliora sunt, quam ea, quae sunt illa carentia. Ne vera quidem Christi diuinitate quidquam melius est, ex quo efficiatur, illum diuinum hominem esse. Ita coguntur per ipsa sua concessa Sociniani, veram Christo diuinitatem attribuere.

### §. III.

Sed exeam ex I. *Capite*, veniam ad *sufficienciam sacrae scripturae*. Idemtidem vrgeo, in hoc *Capite II.* varia a Socinianis adstructa fuisse, quae non tam contra, quam pro diuinitate Saluatoris militent. Dicunt cum Paulo Galat. V, 6. *solam illam per caritatem fidem efficacem valere atque sufficientem ad salutem esse, quae in Christo Iesu est: t) Compellant in sua, quam ex Epistola ad Ebr. XI, 6. sibi arcesserunt, fidei notione Iesum remuneratorem eorum qui*  
*quae-*

e) pag. 6. Edit. cit.